

**Pisortat suliffeqarfiutaani aasaanerani piffissat suliffiusartut
nalilersorneqarsinnaanissaat pillugu apeqquteqaat aallaavigalugu oqallisissiasatut
siunnersuut**

(Inatsisartunut ilaasortaq Aqqalu C. Jerimiassen, Atassut)

Akissuteqaat

(Aningaasaqarnermut Akileraartarnermullu Naalackersuisoq)

Siunnersuuteqartup pisortat suliffeqarfiutaanni aasaanerani piffissat suliffiusartut nalilersorneqarnissaat pillugu apeqquteqaat aallaavigalugu oqallisissiatut siunnersuutaanut qutsavigaara.

Pisortani pissutsit aqqissuussaaneerat tulluurtuunersoq nalilersussallugu soorunami naleqquppoq. Tassunga ilaatigut ilanngullugu piffissat suliffiusut aqqissuussaaneerat ullutsinni ileqqunik takutitsinersut, tamassumanilu siunissami aqqissuussaaneerami pisariaqartitassanut naleqqunnersut. Kingullertut taaneqartoq ilaatigut pisortat ingerlatsineranni assigiinngitsuni suliassanik sularinnittarneq taperserniarlugu teknologimi periarfissat nutaat ukiuni aggersuni ilimagineqartut pisariaqarnersut tunngavigalugit isigineqassaaq.

Tunngaviatigut taamatut piffissanik suliffiusunik nalilersuineq pissusissamisoorsinnaavoq, nalilersuineq pisortat ingerlatsivianni atugarisanut naammassisaqarsinnaanermullu annertusaanermut iluaqutaasinnaasunut isigineqarpat.

Naggasiullugu erseqqissarneqassaaq pissutsit aalajangersimasut arlallit pisortat suliffeqarfiini aasaanerani piffissanik suliffiusunik nalilersueqqinnermi ilanngutissallugit naleqquttuusut.

- Piffissami suliffissami pisortat isumaqatigiissutaanni aalajangersarneqartumi pingaarneq tassaavoq piffissaq tamaat atorfinni nalinginnaasuni sapaatip akunneranut aallaaviusumik tiimini 40-ni sulisoqartassasoq. Sulinnermi sapaatip akunnerani ulluinnarni tiimit arfineq pingasuunissaat ilimagineqarajuttarpoq, kisianni ullaakkut nalunaaqutaq qulingiluat sioqqullugu ualikkullu nalunaaqutaq pingasut kingorna nikerarsinnaalluni, sulisut taamaalillutik suliffinni ataasiakkaani kingusinnerusukkut suliartorsinnaallutik, siusinnerusukkulluunniit soraarsinnaallutik.
- Suliassanik sularinnittarneq ajortumik sunnerneqangippat tiimit piffissani allani suliffiqarnissaannik aqutsisumut qinnuiviginninnissaq ullumikkut isumaqatigiissutit tunngavigalugit akornutissaqangilaq. Pingaartorli tassaavoq sulisut ataasiakkaat suliartorfissaminnik isumaqatigiissuteqarnissaat, taamaalilluni sulinnginneq suliartunngitsoornerluunniit eqqortumik nalunaarsorneqarniassammata.
- Kisianni pisortani atorfinni amerlasuuni piffissani aalajangersimasuni piffissanilu aalajangersimasuni takkuttarnissaq suli piumasaqaataavoq – assersuutigalugu pisuni immikkut ittuni ataatsimiinnernut, suliffimmut atatillugu angalanernut atorfinnilu aalajangersimasuni soorlu naalackersuisut allattaat, aqutsisut, paaqqinnittarfinni sulisut innuttaasunik

sullissinnermi piffissami ammaavissami pigaartuunermiluunniit assersuutigalugu peqqinnissaqarfimmi, qatserisartuni isumaginnittoqarfimmilluunniit.

- Atorfiit pigaartuuffiusartut tassaapput piffissaq piffissaq suliffissaq pigaartoqarnissamut pilersaarut malillugu aalajangerneqarajuttartoq. Taamaattoqarpat suliasat eqqortumik suliarineqarnissaanut piumasaqaat tassaassaaq pigaartoqarnissamut pilersaarutip suliasanillu suliarinninnissamut piffissat eqqortinneqarluarnissaat. Atorfinni taamaattuni sulisut allat sulingiffianni soorlu unnukkut, unnuakkut sapaatillu akunnerata naanerani piffissaq suliffiusoq isumaqatigiissutini taarsiivigineqarajuttarpoq.

Naalackersuisut taamatut oqaaseqarlutik apeqquteqaat aallaavigalugu oqallinnissamik siunnersuutip Inatsisartuni oqallisigineqarnissaa qilanaaraat.